



SLUŽBENI GLASNIK

OPĆINE ZAVIDOVIĆI

Broj: 12/a. Datum: 19.12.2007.



I – AKTI OPĆINSKOG VIJEĆA

Na osnovu člana 5. stav 2., a u vezi sa članom 1. Zakona o budžetima u Federaciji Bosne i Hercegovine («Službene novine Federacije Bosne i Hercegovine», broj 19/06) i člana 55. Statuta općine Zavidovići («Službeni glasnik općine Zavidovići», broj 11/2004-prečišćeni tekst, 8/2005 i 2/06), Općinsko vijeće Zavidovići na 43.sjednici održanoj dana 18.12.2007. godine, donijelo je

O D L U K U

o izvršavanju Budžeta općine Zavidovići za 2008.godinu

I – OPĆE ODREDBE

Član 1.

Ovom odlukom uređuje se način izvršavanja Budžeta općine Zavidovići za 2008.godinu (u daljem tekstu Budžet), upravljanje prihodima i izdacima Budžeta, prava i obaveze korisnika budžetskih sredstava, ovlašćenja Općinskom načelniku, Službi za upravu ekonomskih poslova i poduzetništva i pomoćniku načelnika Službe za upravu ekonomskih poslova i poduzetništva, u izvršavanju Budžeta za tekuću godinu, kazne za neispunjenje obaveza te druga pitanja u izvršavanju Budžeta.

II – STRUKTURA PRIHODA I IZDATAKA

Član 2.

Budžet se sastoji od općeg i posebnog dijela.

Opći dio Budžeta sastoji se od bilansa prihoda i izdataka, a posebni dio Budžeta sadrži detaljan raspored izdataka po budžetskim korisnicima i vrsti izdataka.

U bilansu prihoda i izdataka iskazuju se porezni i neporezni i drugi prihodi, te izdaci utvrđeni za finansiranje javnih izdataka na nivou općine na osnovu zakonskih i drugih propisa.

III – IZVRŠAVANJE BUDŽETA

Član 3.

Sredstva Budžeta osiguravaju se budžetskim korisnicima koji su u Posebnom dijelu Budžeta određeni kao nosioci sredstava po pojedinim pozicijama.

Član 4.

Korisnici Budžeta sredstva koriste samo za namjene koje su određene Budžetom i to do visine utvrđene u njegovom Posebnom dijelu, a u skladu sa svojim godišnjim planom i po dinamici utvrđenoj mjesečnim planovima.

- 637 -

Član 5.

Na osnovu alokacije budžetskih sredstava budžetski korisnici pripremaju i podnose prijedloge operativnih budžeta nadležnoj Službi.

Prilikom ugovaranja uslova za ispunjavanje obaveza iz Budžeta, korisnici Budžeta su dužni uzimati u obzir utvrđenu dinamiku priliva i odliva sredstava.

Član 6.

Služba za upravu ekonomskih poslova i poduzetništva vrši plaćanje u ime svih budžetskih korisnika putem jedinstvenog računa Budžeta.

Član 7.

Postupak nabavke investicionih dobara i usluga mora se obavljati u skladu sa Zakonom o javnim nabavkama Bosne i Hercegovine («Službeni glasnik Bosne i Hercegovine», broj 49/04, 19/05, 52/05, 92/05, 24/06 i 70/06).

Član 8.

Budžetskim korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika.

Rashodi svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec, osim uz saglasnost nadležne Službe.

Pomoćnik načelnika nadležne Službe ima pravo rješenjem obustaviti od izvršenja odluku koja je u suprotnosti sa Zakonom o budžetima u Federaciji Bosne i Hercegovine («Službene novine Federacije Bosne i Hercegovine», broj 19/06) i ovom odlukom.

Član 9.

Budžet se izvršava na osnovu mjesečnih planova za izvršavanje Budžeta, a u skladu sa raspoloživim sredstvima, čime se ujedno utvrđuje dinamika izvršavanja Budžeta.

Organi koji u svom budžetskom razdjelu sadrže potrošačke jedinice – glave, budžetski su za njih nadležni.

Član 10.

Korisnici Budžeta preuzimaju obaveze za koje su sredstva namjenski iskazana u posebnoj dijelu Budžeta, ako je njihovo praćenje usklađeno sa mjesečnim planom za izvršavanje Budžeta.

Član 11.

Općinski načelnik – Služba za upravu ekonomskih poslova i poduzetništva, u slučaju neusklađenog priliva sredstava u Budžet općine, može izmijeniti dinamiku odobravanja sredstava pojedinim korisnicima uz saglasnost Općinskog načelnika.

Član 12.

Korisnici Budžeta dužni su Općinskom načelniku – Službi za upravu ekonomskih poslova i poduzetništva dostaviti mjesečne finansijske planove za izvršavanje Budžeta najkasnije do 25-tog u tekućem mjesecu za naredni mjesec.

Ako korisnici Budžeta Općinskom načelniku – Službi za upravu ekonomskih poslova i poduzetništva ne podnesu prijedlog mjesečnog plana u roku iz stava 1. ovog člana, plan izvršenja za tog korisnika utvrđuje Općinski načelnik – Služba za upravu ekonomskih poslova i poduzetništva.

Član 13.

Neurošena sredstva po pojedinim stavkama iz mjesečnog plana izvršenja, Općinski načelnik – Služba za upravu ekonomskih poslova i poduzetništva prenosi na iste stavke u planu izvršenja Budžeta za sljedeći period u okviru budžetske godine.

Član 14.

Iznimno, izdaci koji nisu predviđeni mjesečnim planom izvršenja Budžeta, ili izdaci koji zahtijevaju prekoračenje pojedinih stavki u mjesečnom planu za izvršenje Budžeta mogu se podmiriti uz saglasnost Općinskog načelnika – Službe za upravu ekonomskih poslova i poduzetništva općine Zavidovići.

Član 15.

Služba za upravu ekonomskih poslova i poduzetništva, na prijedlog budžetskog korisnika može donijeti odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika.

U okviru odobrenog Budžeta utvrđuje se obim i vrsta rashoda za prestrukturiranje kako slijedi:

1. Plaće i naknade troškova uposlenih do 10% ukupno odobrenih rashoda za plaće i naknade;
2. Izdaci za materijal i usluge do 10% ukupno odobrenih rashoda za materijal i usluge;
3. Tekući grantovi do 10% ukupno odobrenih rashoda za tekuće grantove;
4. Kapitalni grantovi do 10% ukupno odobrenih rashoda za kapitalne grantove.

Izuzetno, preraspodjela sredstava dozvoljena je između budžetskih korisnika u okviru odobrenog Budžeta o čemu odlučuje općinski načelnik na prijedlog Službe za upravu ekonomskih poslova i poduzetništvo.

Član 16.

Hitni i nepredviđeni izdaci koji se pojave tokom budžetske godine, podmiruju se iz sredstava tekuće rezerve utvrđene Budžetom.

O korištenju sredstava tekuće budžetske rezerve odlučuje Općinski načelnik u skladu sa ovom Odlukom, a po dobijanju mišljenja Službe za upravu ekonomskih poslova i poduzetništvo.

Budžetsko izdvajanje za budžetsku rezervu ne smije preći 3% ukupnih prihoda isključujući primitke.

Pomoćnik načelnika Službe za upravu ekonomskih poslova i poduzetništvo je obavezan tromjesečno izvještavati Općinskog načelnika o korištenju budžetske rezerve.

Općinski načelnik polugodišnje izvještava Općinsko vijeće o korištenju budžetske rezerve.

U hitnim slučajevima, u odsustvu Općinskog načelnika, o korištenju sredstava tekuće budžetske rezerve do visine od 5.000,00 KM odlučuje pomoćnik općinskog načelnika Službe za upravu ekonomskih poslova i poduzetništvo.

Općinski načelnik verificirat će svojim zaključkom upotrebu sredstava iz tekuće budžetske rezerve iz stava 2. ovog člana.

- 639 -

Član 17.

Ako se u toku godine poveća djelokrug ili nadležnost korisnika Budžeta donošenjem novog propisa, što zahtijeva i povećana sredstva ili se osnuje novi korisnik, sredstva za njegove troškove obezbijedit će se iz tekuće budžetske rezerve, a odobrava ih Općinski načelnik.

Ako se u toku godine smanji djelokrug ili nadležnost korisnika Budžeta donošenjem novog propisa, što zahtijeva smanjenje sredstava ili se ukine korisnik, neutrošena sredstva za njegove troškove prenose se u tekuću budžetsku rezervu ili na korisnika koji preuzima njegove poslove, a odobrava ih Općinski načelnik.

Član 18.

Osnovicu za obračun plaće, visinu toplog obroka, visinu regresa i visinu drugih naknada, za sve korisnike Budžeta utvrđivat će Općinski načelnik na prijedlog nadležne Službe, a u skladu sa Zakonom.

Član 19.

Visina dnevnica za službena putovanja u službama za upravu i službama organa uprave određuje se na osnovu akta koji donosi Općinski načelnik u skladu sa Uredbom o naknadama troškova za službena putovanja («Službene novine Federacije BiH», broj 75/04 i 43/07).

Član 20.

Sav prikupljeni i naplaćeni javni novac koji pripada Budžetu općine obavezno se uplaćuje na glavni račun prihoda Budžeta.

Član 21.

Pogrešno ili više uplaćeni općinski neporeski prihodi u Budžetu vraćaju se uplatiocima na teret tih prihoda, a na osnovu rješenja organa koji je izvršio naplatu ili akta Općinskog načelnika.

Član 22.

Sredstva utvrđena u razdjelu br.10 Glava 101 Budžeta pozicije «Naknade vijećnicima», «Naknade članovima komisija koje imenuje Općinsko vijeće» i «Naknade za edukaciju i druge troškove vijećnika» i sredstva u razdjelu br.10 glava 102 Budžeta, pozicija «Transfer parlamentarnim grupama», koriste se po propisima koje donosi Općinsko vijeće.

Član 23.

Sredstva utvrđena u razdjelu 10 glava 101 Budžeta pozicija «Transfer za obilježavanje značajnih datuma», «Transfer za obilježavanje Dana općine» i «Transfer za troškove izbora» koriste se prema programu i kriterijima koje donosi Općinski načelnik.

Član 24.

Sredstva utvrđena u Razdjelu 11 Glava 111 Budžeta, pozicija «Nabavka stalnih sredstava», «Troškovi eksproprijacije», «Transfer za izradu i implementaciju strategije razvoja općine», «Transfer za Savez općina i gradova», «Transfer-učešće u finansiranju Agencije za lokalni razvoj» i «Transfer-učešće u finansiranju Regionalne ekonomske zajednice» koriste se prema aktima koje donosi Općinski načelnik.

- 640 -

Član 25.

Sredstva utvrđena u Razdjelu 11 Glava 112 Budžeta pozicija «Transfer za sahrane», «Transfer Centru za socijalni rad», «Transfer za socijalnu zaštitu», «Transfer Centru za kulturu-sanacija Doma kulture», «Transfer Centru za kulturu – za kulturne djelatnosti», «Transfer za kulturne manifestacije», «Transfer za općinska takmičenja u znanju osnovnih i srednjih škola», «Transfer Domu zdravlja za troškove investic.održavanje građevinskih objekata i opreme», «Transfer za utvrđivanje smrti lica umrlih izvan zdravstvene ustanove»,«Transfer Domu zdravlja za pružanje zdravstvenih usluga penzionerima», «Transfer za prevoz pacijenata na hemodijalizu», «Transfer za srednje obrazovanje», «Transfer za društvene organizacije i udruženja», «Transfer za kreditiranje studenata», «Transfer za Kantonalni arhiv Travnik», «Transfer OO Crveni križ», «Transfer MDD Merhamet», «Transfer MDD Merhamet za sufinansiranje javne kuhinje »,«Transfer za podršku omladinskoj politici», «Transfer za unos podataka u program matične evidencije», «Transfer za podršku vjerskim zajednicama i crkvama», «Transfer javnoj biblioteci-za kupovinu knjiga», «Transfer za štampanje administrativnih taksi», «Troškovi provizije za prodaju administrativnih taksi», «Transfer za izdavanje novina» i «Transfer za stambeno zbrinjavanje socijalno ugroženih kategorija», koriste se na osnovu akata koje donosi Općinski načelnik.

Sredstva utvrđena u Razdjelu 11 Glava 112 Budžeta pozicija «Transfer za fizičku kulturu i sport» rasporedit će se 32,67% NK «Krivaja», 32,67% RK «Krivaja», 5,33% Invalidskom odbojkaškom klubu i 29,33% za ostale sportske klubove i sportske aktivnosti, a Odluku o rasporedu sredstava iz ovog člana donosi Općinski načelnik.

Sredstva utvrđena u Razdjelu 11 Glava 112 Budžeta pozicija «Transfer za predškolsko obrazovanje», rasporedit će se za redovnu djelatnost ustanove 82.000,00 KM, a za finansiranje Programa za uključivanje djece predškolske dobi iz socijalno ugroženih kategorija u predškolsku ustanovu 36.000,00 KM, a Odluku o rasporedu sredstava iz ovog člana donosi Općinski načelnik.

Član 26.

Sredstva utvrđena u Razdjelu 11 Glava 112 Budžeta pozicija «Transfer mjesnim zajednicama» koriste se na osnovu akata koje donosi Općinsko vijeće.

Član 27.

Sredstva utvrđena u Razdjelu 11 Glava 113 Budžeta, pozicija «Transfer za deratizaciju» «Transfer za uklanjanje pasa lualica», «Transfer za održavanje javnih površina», «Transfer za projektnu pripremu i projektovanje», «Transfer za zaštitu i unapređenje životne okoline», «Transfer za troškove izvršenja rješenja», «Transfer za pomoć i podršku Veterinarskoj stanici» i «Transfer za uvođenje sistema upravljanja kvaliteta ISO 9001:2000», koriste se prema aktima koje donosi Općinski načelnik.

Član 28.

Sredstva utvrđena u Razdjelu 11 Glava 113 Budžeta, pozicija «Transfer za razvoj poljoprivrede, turizma, malih i srednjih preduzeća » rasporedit će se 70% za razvoj poljoprivrede, 20% za razvoj malih i srednjih preduzeća i 10% za razvoj turizma i koriste se prema aktima koje donosi Općinsko vijeće, a po programu utroška i kriterijima koje donosi Općinski načelnik.

- 641 -

Član 29.

Sredstva utvrđena u Razdjelu 11 Glava 113 Budžeta, pozicija «Transfer za održavanje i rekonstrukciju ulica», «Transfer za održavanje i rekonstrukciju nekategorisanih puteva», «Transfer za sanaciju klizišta», «Transfer za lokalne puteve», «Izdaci za rekonstrukciju i održavanje objekata i uređaja komunalne potrošnje», «Transfer za sanaciju fasada objekata kolektivnog stanovanja», «Transfer za izgradnju pješačkog mosta», «Transfer za obilježavanje ulica, zgrada i mostova» i «Transfer za izgradnju podhodnika», koriste se na osnovu programa i kriterija koje donosi Općinski načelnik.

Član 30.

Sredstva utvrđena u Razdjelu 11 Glava 113 Budžeta pozicija «Transfer za javnu rasvjetu», «Transfer za signalizaciju», «Transfer za rekonstrukciju semafora», «Transfer za izgradnju školske fiskulturne sale» i «Transfer za učestvovanje u zajedničkoj realizaciji projekata sa donatorima kreditorima, fondacijama i sl», koriste se prema programu i kriterijima koje donosi Općinski načelnik.

Član 31.

Sredstva utvrđena u Razdjelu 11 Glava 114 Budžeta, pozicija «Transfer za borce, RVI i porodice poginulih boraca», «Izdaci za raseljena lica i povratnike», «Transfer za JOB Unija veterana», «Transfer za Organizaciju porodica šehida i poginulih boraca», «Transfer za Udruženje RVI Zavidovići '92.», «Transfer za UG «Zlatni ljiljan», «Transfer za Udruženje boraca «Patriotske lige»», «Izdaci za spomen sobu», «Transfer za izgradnju spomen obilježja šehidima-poginulim borcima», «Transfer za ortopedsku radionicu » i «Transfer za organizaciju demobilisanih boraca», koriste se na osnovu akata koje donosi Općinski načelnik.

Član 32.

Sredstva utvrđena u Razdjelu 11 Glava 115 Budžeta pozicija «Transfer za regulacioni plan» i «Transfer za obnovu gradske geodetske mreže Zavidovića», koriste se na osnovu akata koje donosi Općinski načelnik.

Član 33.

Sredstva utvrđena u Razdjelu 11 Glava 116 Budžeta, pozicija «Troškovi tima za deminiranje», «Transfer za elementarne nepogode i druge nesreće», «Transfer za Operativni centar», «Transfer za obuku i opremanje općinske profesionalne Vatrogasne jedinice», «Transfer za zaštitu od požara», «Transfer za rad Općinskog štaba civilne zaštite», «Transfer za trajno obilježavanje minskih i rizičnih površina», «Transfer za obuku i opremanje štaba, jedinica i povjerenika CZ», «Transfer za naknadu učešća ljudi i materijalnih sredstava u zaštiti i spašavanju», «Transfer za nabavku motornog čamca», «Nabavka vatrogasnog vozila» i «Transfer za nabavku ronilačke opreme», koriste se prema aktu kojeg donosi Općinski načelnik.

Član 34.

Sredstva za neizmirene obaveze iz prethodnih godina koristit će se shodno operativnom planu koji donosi Općinski načelnik.

- 642 -

Član 35.

Namjenska sredstva ostvarena po osnovu posebnog poreza za zaštitu od prirodnih i drugih nesreća, koristit će se u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća («Službene novine Federacije Bosne i Hercegovine», broj 39/03 i 22/06) i Odlukom o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća («Službene novine Federacije Bosne i Hercegovine», broj 46/05) i prema programu utroška koji donosi Općinski načelnik.

Član 36.

Obavljanje platnih transakcija vrši se preko transakcijskih računa. Potpisnici naloga platnih transakcija putem računa su lica koja odredi Općinski načelnik.

Član 37.

Donacije koje nisu planirane u Budžetu, a ostvare se u toku godine, namjenski će se usmjeravati u skladu sa Odlukom Općinskog načelnika. Služba za upravu ekonomskih poslova i poduzetništvo će na osnovu pismenog dokaza o uplaćenju donaciji i drugoj odgovarajućoj dokumentaciji budžetskog korisnika izvršiti povećanje Budžeta na rashodovnoj strani, odnosno budžetskog korisnika.

Član 38.

Korisnici sredstava Budžeta namijenjenih za transfer dužni su najmanje jednom polugodišnje dostaviti izvještaj o namjenskoj upotrebi odobrenih sredstava, kao i o postignutim rezultatima iz aktivnosti koje su tim sredstvima finansirane, Općinskom načelniku – Služba za upravu ekonomskih poslova i poduzetništvo.

Član 39.

Za svako korištenje sredstava Budžeta nosioci potrošnje budžetskih sredstava dužni su svojim aktima navesti broj razdjela i glave Budžeta, kao i naziv pozicije Budžeta.

Član 40.

Svi programi utroška budžetskih sredstava navedeni u ovoj odluci donijet će se u roku od 30 dana od dana usvajanja Budžeta.

Član 41.

Budžetski korisnici odgovorni su za zakonitost, svrsishodnost, efikasnost i za ekonomično raspolaganje budžetskim sredstvima.

Pomoćnici i rukovodioci budžetskih organa i tijela odgovorni su za računovodstvo, unutrašnju kontrolu i nadzor svojih Službi uključujući budžetske korisnike i potrošačke jedinice, odnosno budžetskih organa i tijela koja spadaju u njihovu nadležnost.

Član 42.

Nadzor nad korištenjem budžetskih sredstava od strane budžetskih korisnika obavlja interna kontrola i interna revizija u skladu sa Zakonom i provedbenim propisima.

IV KAZNE NE ODREDBE

Član 43.

Novčanom kaznom od 1.000,00 KM do 5.000,00 KM kaznit će se za prekršaj odgovorna osoba korisnika budžeta:

1. ako sredstva Budžeta ne upotrebljava za one namjene za koje su sredstva utvrđena i ako preuzme obavezu iznad utvrđene u Budžetu (član 4.);
2. ako stvara obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika (član 8.);
3. ako nadležnoj Službi ne dostavi prijedlog mjesečnog operativnog plana u propisanom roku (član 12.);
4. ako postupe suprotno članu 39. ove Odluke.

V – ZAVRŠNA ODREDBA

Član 44.

Ova odluka stupa na snagu osmog dana od dana objavljivanja u «Službenom glasniku općine Zavidovići», a primjenjivat će se od 01.01.2008.godine.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-14-4983/07
Datum, 18.12.2007.godine

(M.P.)

Besim Avdić, prof., s.r.

S A D R Ź A J

Strana

I – AKTI OPĆINSKOG VIJEĆA

1. ODLUKA o izvršavanju Budžeta općine Zavidovići za 2008.godinu..... 636